

宋朝大詔令集

宋朝大詔令集卷第一百二十一

典禮六

南郊四

康定二年南郊改慶曆元年故天下制十一月

朕誕膺寶命嗣守丕基荷上靈降監之祥奉列聖紹庭之憲撫寧興運司牧恭元慎保盈成之難思隆久大之業祇勤抑畏垂二十年何嘗不中吳厲精幽微博聽慮一夫之不獲期百志之惟熙務湯銘之日新致禹疇之時若至於東慈儉之訓絕游畋之娛器服屏雕文之工刑政革煩苛之弊雖未臻於往古亦無怠於始初華以諸夏謠清百嘉彙茂民涵豐拱之樂物達疵厲之傷玉燭四時蕭勺群慝斯皆三神之所眷佑九廟之所撫綏豈繫眇眇之躬克名穰穰之福是用順考聲明之典寢尋禋燎之文嚴飾壇祇為瑄粢於天元景至之

道以臨總漢大號而胥歡嘉興群元共臻斯路

慶曆七年南郊赦天下制十一月二十八日

門下朕常博覽載籍詳觀古今每資取於典彙用昭斯於政教且夫
大事在祀所期奉而益恭讓德於天必欲善不自處斯皆垂芳簡策
作範邦家歷代相因百王不易在公革而雖異諒稽參而靡渝故假
廟致虔掃地尚質寔奉先而嚴配取報本以貴誠粵自繼承茲踰二
紀遵述詒謀之訓企及欽明之風慎持守於盈成念懷柔於遠邇萬
幾之務罔怠於旰宵含生之倫冀登於富壽尚執虔於謹戒彌鑒者
於昏荒以期治格隆平物無疵癘制作禮樂敢謂其時協和人神當
歲庶事是用虔修盛祀參講縉儀抑菲德之微攝增先皇之顯謚祇
見觀德之室嚴禋定位之方園壇載陞長日協吉順考舊典傾竭精
秉九州獻力以惟黃百神受職而歲秩紛綸之既仰降於高穹曠蕩

之恩宜單於率土可大赦天下云云於戲惟聖饗帝蓋鑿於齊莊惟德勤天敢忘於惕厲尚冀祖宗垂祐輔弼協謀繫維城親懿之賢陞衛社忠勞之士百工庶尹咸一乃心共贊昌期永臻皇極

皇祐五年南郊赦十一月己巳

門下欽柴報本宗經禮之親郊渙號宣恩廣陽春之大昔朕肅膺統業寅奉政機未昭厥塗猶涉淵水荷乾祇之敷佑賴宗祐之擁全治克用平無思不服茂錫生齒屢登康年蓋先烈之累仁省眇躬之何德比舉扶於元祀月谷揚於靈休仍紀于茲消衷敢忘自合宮之訖饗即陽邱以系誠中命攸司詳稽舊典卜日南之長畧祀之上之園丘前詔諸儒考正雅樂蓋以遵達孝之述事昭盛德之流光通觀厥成亦忝於祀庶德音之政相接於天人汾豫象之辭登配於祖考率前期而戒誓復先申而絮齋欽冀祀宮歎見於道祖肅愛在廟永懷

於前人懼饗弗能臨祿惟惕案營春除未宵在望執事有恪備物無
違蒙上帝以居歆奉列聖以參侑蒼壁既真朱燎以升惠我無疆爾
然有感欽惟天表之應誕揚壽康嘉與宇內之人均承覲施可大救
天下云云象日之幾惟民所息如砥之道其賦當平頌聞征繕之科
有違中正之法宜從薄斂以示寬恩云云於戲合法大祀固靡神之
不宗在宥羣方思與物而更始尚賴左右承弼中外臣工秉德輔予
竭忠圖治惟休惟恤永底康哉

治平二年南郊赦十一月壬申

門下朕承祖宗之休託王公之上續嗣玉構誕隆慶基夫仁者體道
誠明率仁高厚躬履純儉天俾壽域熙然億兆之懷隆於父母之愛
禮樂明備制作成於百年書軌大同歡心遠於四表憲度著明而可
則軌述彙易而可遵肆朕沖人適承大寶祇荷先訓仰繫母慈永念

繼體之難居有涉冰之懼日慎一日三歲于茲曷嘗不究皇極之建
中順乾剛之正命登顛賢俊鑿循典刑未明以求衣中吳而職食宮
室池園之好咸弛以便民鐘鼓管磬之音固不以從欲前日文武多
士中外臣工連上封章求薦稱號朕以繼志述事未有以揚緝熙持
盈守成未有以章休烈下之方以底百室之福上之方以接三神之
歡義所未安抑而不受豈自以得勤民之意蓋將以洪修己之誠深
惟就陽國郊肇禋吉土振古盛節本朝上儀儲精逆釐欲止不敢維
孝能享庶幾與焉是以因黃宮之氣萌迤南極之景至躬執圭幣潔
修築盛禩薦清廟之庭燭燎泰壇之地侑以烈祖對越上穹於時祥
景晏溫大圓精粹和氣充塞積愷肅清茲皆諸神受祀於懷柔有昊
春顧而繁答發祥墳祉宜獨朕躬之敢專洗心自新嘉興海內之均
慶可大赦天下云云於戲崇大報之禮有以達於誠心覃溥汗之恩

是用孚於至信期爾阜安之俗既臻耻格之風尚賴志益揚廷謨明
在服共勵勅天之志永底無疆之休

熙寧元年南郊赦天下制十一月十八日丁亥

門下王者祇適聖緒所以永無疆之休對越顛穹所以凝濟將之命
朕惟列聖垂統盛德在天積累熙洽付畀冲眇夫以制作大定之丕
矩在省耻格之休夙夷易所存燕翼維允肆朕述遵而無改恭默以
仰成再期于茲百度咸若是以羣生蒙福方內大寧播人有秋而屢
豐遠裔稽服而慕義兵革靡試疵癘莫興蓋昭天之功自上仁而已
厚故佑民之澤迨下武而益深乃眷大和寔荷隆慶內惟寡德懼不
克任粵稽拜貺之文茲有就陽之祀報本反始事孰重焉夫恭之所
隆不可以思拚禮之所闕尚貴乎義起矧乃真聖舊章著為成訓措
紳曠論折衷前經斷自朕心特觀輿議是用因一陽長極之序舉三

歲親見之儀。朝薦殊庭。賓禱清廟。而後升煙燎於泰時。合祛祀於柔祇。昭假上靈。配有烈祖。六樂備備。萬玉旌旌。侯衛駸奔。鑿鉅縱觀。至誠胥感。方交神而塞明。祥祉來臻。且日升而川至。顧予菲質。敢以專饗。思與黎庶同底。自新可大。赦天下云云。於戲。接三神之歡。惟禮可。以致孝饗均。兆民之慶。惟刑可以示哀。於茲朕一心。期底于道。尚賴股肱碩輔。陪例。蓋臣共勵。協恭之誠。以格可封之俗。

熙寧七年南郊赦天下制 十一月

門下王者。欽崇神天。嚴奉宗祐。就郊以饗。所以詔天下之恭。假廟而絜。所以教天下之孝。洪維五聖之烈。誕集百王之文。肆予冲人。昭事上帝。載念物無以稱。維一誠可以展大報之儀。祭不欲煩。維三歲可。以述躬行之典。會協康年之順。道迎至日之長。是用朝薦殊庭。禱將太室。乃筵登於陽時。以取對於皇穹。合祛系祇。陞配文祖。祝燧告潔。

贊儀尚純六樂變音舞奏而諸物至二精揚燦燁升而萬靈交方正
事之獲成故著禱之專饗宜敷大號以資多拜可大赦天下云云於
戲意盡精禋既秩宗祈之舉政施惠術實昭慶宥之行維時恭元綏
我德澤尚賴謨明四近忠薰厚材儀圖新美之功屬相隆平之運同
底于治永孚厥休

熙寧十年南郊赦天下制十一月甲辰

門下固莫重於祭所以作民恭之先禮無大於郊所以報物生之始
朕憇建丕命寵綏四方夙寤晨興任太守重惟文武之謨烈心罔敢
弗承惟上下之神祇志罔散弗肅奉終三歲之祀稽用一陽之正嚴
大路以備儀款殊庭而先享於穆清廟休惕以見祖宗爰熙紫壇明
察而事天地推本陟配升燎合煙裊萬壑而誠交變六樂而物致頤
迄成於鉅典敢專饗於著墮渙揚子思敷錫爾眾可大赦天下云云

於戲答三才之粵無以稱德產之微均萬國之懽有以知惠澤之至
尚賴左右勵翼內外交修永孚厥休同底于道

元豐六年南郊赦天下制十一月丙午

問下天者物生之始非肇禋無以極其誠親者民恭之先非假廟無
以致其孝永惟五聖之烈必躬三歲之祠顧惟沖人嗣膺麻服敢不
祇率以時欽修然而禮意寢而不明樂文雜而未正故刺六經之說
考諸儒之言緝熙曠儀是正鉅典奉壘以款真宇禩鬯以享宗枋齋
戒乎端誠之宮清肅乎禮神之園陟配烈祖對侑昊穹於時維太常
之旒備金玉之駕廻播大圭以為國之綴廻服大裘以放古之文欽
柴之燎四施燭煬奉一圓鍾之樂六變繼繹崇邱孝奏而日月光靈
遊而風馬下顧獲成於熙事敢專留於繁禋宜大澤之肆均與羣生
而共慶可大赦天下云云於戲答三靈之介祉既扶於宗祈格四海

之歡心在敷示忠術高賴東文之輔經武之臣相協厥恭同底于治
布告遐邇咸使聞知

元祐七年南郊赦天下制 十一月癸巳

門下朕承六聖鴻烈之休御千載丕平之運述觀歷代之治無若岑
朝之隆充塞乎協氣之流洋溢乎頌聲之作然而重熙累洽所以應
之者惟艱持盈守成所以保之者廉易顧茲冲眚紹乃基圖永惟幾
深固敢逸豫仰賴文母維持我家保佑八年之間申錫九疇之叙賓
禮故老子惠困窮上順帝心下從人欲廣祖宗之遺澤蒙天地之降
康欽言肇郊躬行大禮念帝再饗乎宮吳未始被事乎皇祇是用推
本建隆之舊章復舉熙寧之故實執鬯以禩八室奠玉以合兩儀嚴
烈祖以配天洽百神而承宇于時禮行而誠意格樂變而祥光浮誕
受三神之登敢尊四海之福宜思均施溥宥群倫可大赦天下云云

於戲乾坤之元始生俯仰之觀象法以為君臣之道以成覆載之功
皆爾內外之庶工咸罄文武之致用惟新厥德永孚于休

元符元年南郊赦天下制十一月二十日甲子

門下朕保極以宅尊奉元而總統駿惠先烈慎懷永圖躬攬萬幾于
茲五載頡德不敏賴天博臨四夷咸賓萬邦作乂師干獻捷農扈告
豐錫之珍符授以神策嘉瑞紹至祲氣亟消豈眇未之克堪寶曆昊
之眷佑樂言大報莫重禋郊是用遵昭考之詒謀舉隆周之墜典稽
協彝制發揮禮容未奉皇祇之祠先嚴蒼昊之饗乘一陽之復習三
歲之常即路寢以齋居至殊庭而朝獻廣于肆祀初假廟以詔虔欽
柴宗祈遠升壇而謁款配侑烈祖對越明神樂成繹純禮敬款備於
時乾端澄霽冬序晏溫靈心嘉虞精意昭格師象山則孝奏天儀中
命之休既昭受于上帝歟時之福其敷錫於庶民揚于端闈乎我大

號可大赦天下云云於茲告事大成敢專饗於繁登申宥肯災宜溥
單於曠澤尚賴輔弼寅亮官師協恭共維太平之基永底無疆之祚

宋朝大詔令集卷第一百二十二

典禮七

南郊五

建中靖國元年南郊改來年崇寧元年赦天下制十一月

門下朕紹膺寶命祇遵鴻圖躬節儉以御邦本寬仁而敷政維先訓
是式惟師虞是從永言繼序之難克謹持盈之戒荷皇天之降祐蒙
列聖之貽謀方夏人寧靈羨賓服三時不害六府孔修建皇極而王
道明即康功而民志惟以迪純熙之運以刑平富之風豈朕德之能
勝繫帝臨之下屬肇稱禋祀祇答閔休是用參酌上儀鋪昭廣典奉
神考初行之志繹紹聖申講之文符歲事於皇祇先致饗乎穹昊地
候景消日飭躬致虔禱清廟以肅將歛同壇而拜享侑我烈祖秩于
百神禮嚴欽奠之容樂被雍和之奏蒼壁既奠紫烟其升乾象粹清

靈心嘉禱和氣洋溢景光陸離瑞慶大來俾緝熙于純嘏膏澤并下
用敷錫厥庶民豫建新元誕揚渙號可大赦天下之云仍自來年正
月一日改元為崇寧元年於戲潔誠拜貺永祈申命之休肆宥均釐
時乃配天其澤尚賴成德之彥正事之臣率恭獻以協衷歛庶明而
懋績贊我溥將之緒迄茲渙泮之獻

崇寧三年南郊赦天下制十一月二十六日

門下祿獻清廟所以承祖宗之靈禋祀紫壇所以答乾坤之貺朕駿
膺寶命重受厯禧丕宣文武之光蓋緝熙豐之典取士于學播古建
官亮采百工庶幾三代允厥盛王之式率由昭考之行而九廟垂休
而儀協佑生民底乂年穀屢豐修德錫符上祭璣衡之政鑄金象物
下隆鼎彝之基疵癘革消雨暘咸若茲豈眇躬之能假時惟上帝之
弗違是用奠玉陽邱泣牲泰時嚴配烈祖對越皇天于時圭景晏溫

璇穹登監二端立而禮無不洽六樂變而物罔不興靈心載嘉精意
咸享受茲殊福豈予一人之敢私錫厥庶民思與萬邦而共慶我有
渙號揚于端闈可大赦天下云云於戲作善降之百祥既茂膺於純
嘏惟天佑于一德可共翼於丕平尚賴三事股肱百辟文武咸勵同
寅之業永底無疆之休

大觀四年南郊改來年政和元年赦天下制十一月三日

門下朕紹膺駿命祇奉燕謀永惟置噐之安常軫臨淵之慮躬攬萬
務茲越十年荷上帝之降康底羣生之咸遂禮制樂作仁洽道豐撫
五緯以宣精翁九河而順軌于戈弗試囹圄屢空同雲應尺澤之祈
甘露協中臺之瑞三登既格六府允修昭受闕休敢忘大報是用率
循彝典稱秩上儀乘景至之熙辰脩星陳之法駕裸獻清廟初蠲儲
以揭虔謁款紫壇邁欽柴而展米推本烈祖對侑昊穹表潔此純犧庶

誠蒼玉于時協氣充塞高靈宴嬉肅然精意之通紛若美祥之下悌
崇元祀屬熙事之消成中宥肯災宜湛恩之誕布可赦大天下云云
朕忝承聖緒通追先猷荷穹昊之休蒙宗廟之佑昭事有翼夙夜惟
寅中外靖綏年穀登稔禮樂明備百志用成喜與多方布新顯號可
以來年正月一日改元政和云云於戲一人有慶既敷錫於蕃獲靡
政惟和其永綏於極治尚賴輔弼勵相宜師交修增隆不拔之基蓋
固無疆之祚

政和三年南郊赦天下制十一月六日

門下朕承列聖之丕基奉至尊之休德繼志逮事持盈守成躬攬萬
機茲踰一紀荷皇天之垂佑浹函夏之底寧年穀屢登雨暘式叙遐
通請命川嶽効珍萬功無溢溢之災堯瑞告平成之治永惟多祐誕
集沖人屬三歲之親祠刺六經而定制率時照考欽修特祀之專若

昔大猷蓋正相浴之陋乃齋居於路寢乃朝獻於殊庭得四表之懽
心駿假于廟乘一陽之至崇大報于郊對越昊穹佑我烈祖陶匏象
牲犧牲貴誠奠香墜以禮神東元主而拜貺器協商周之舊樂蕙韶
護之純紫烟燎而燿火升美光屬而風馬下禮儀既備知帝顧之弗違
福祿來崇豈朕躬之專享宜改渙號濟洽群倫可大赦天下云云於
戲申命用休俾載熙于純嘏配天其澤用敷錫厥庶民尚賴同德蓋
臣東文多士咸克勵翼永保隆平

政和六年冬祀赦天下制 十一月十日

門下朕紹膺景命嗣守丕基尊臨九有之師親攬萬微之務翼翼敷
忘於當畏兢兢常謹於繼承躬宵旰之勤以圖天下之乂軫淵冰之
慮以保天下之安屬者百穀順成五偉來叙干戈載戢囹圄屢空元
命之辰九天占南極之瑞誕彌之旦三山紀黃流之清樂作而羽鶴

翔鼎定而慶雲集名山顯位斷封禪者億萬人絕域殊方來臣妾者
十一國有邦之應於朕豈功仰念物生本乎天惟聖人為能饗天道
先乎祖雖天子必有尊卑惟古訓之猶寶重國陽之報司嘗辨二至
之吉禮度乎革合祭之非奉上帝之徽稱蓋以正異名之失茲協豐
年之屢載迹至日之長乃建鸞旗似侈神降之休乃執大至以嚴紫
壇之薦于時歌昊天成命之詩奏圓鐘六變之樂真璧以致錫潔升
煙以達高明克禋克祀而精意昭來假來饗而珍符下肆載熙于純
嘏以敷錫于庶民其播大猷用推廣澤可大赦天下云云於戲報本
反始得萬國之懽心蕩垢滌瑕對之靈之蕃祉尚賴醴醑肱良弼屏翰
雋臣益殫忘蓋之圖光輔隆平之運同底于道永孚厥休

宣和元年冬祀赦天下制十一月九日

門下觀會通以行其典禮允符昌運之隆美盛德而告於神明茲迪

精煙之饗朕肇膺駿命嗣守鴻基撫九有之嘉師開萬邦之壽域兢
業克艱於底又黃威罔怠於求端聿承燕翼之謀哀對博臨之貺屬
者道源闡放帝祉迎登農扈載謠忝稷報千倉之慶時堂御廡璣衡
瞻七政之齊氏羌款塞以咸膚狃行空圓而不式滎河順紀喬嶽錫
符丹闕瓊臺屢下叢霄之澤彤烏秀草丕昭炎德之祥永惟奕世之
休罔匪自天之祐爰申感祀以答真祺是用測嶰簫以迎長倫鸞輿
而辰來羽林綺列闕五門象魏之嚴法駕星陳正六引旗帝之度風
祗清廟恭嚴紫壇藉玉籍以奉米盛載謹豐年之報潔宮蕙而修幣
用永端命之祈景鍾導和樂之音善枉薦太尊之齊純精昭格貯璽
潛通月璧星珠紛燎煙而上徹雲車風馬歛颯馭以來臨肆均拜昨
之禱式霈滌瑕之宥誕揚渙號敷告多方可大赦天下云云於戲佑
烈祖以格皇天子惟克邁乃訓綏多福而熙純嘏拜其永孚于休尚

賴輔弼同寅官師勵翼共決無為之化茂隆累治之圖

宣和四年冬祀教天下制

門下事上帝而懷多福非禮祀不足以昭報本之誠紹大業以綏四方
非升侑不足以極奉先之孝朕荷三靈之儲社奉列聖之詒謀制治
保邦克懋盈盛之訓立政造事敢忘繼序之思彌文鑒虞夏之隆成
憲復熙豐之舊百度惟正庶績其凝士迪典常盡草朋淫之習民興
醇樸式符道紀之昌人僕志以丕欽天鑒誠而丘佑清臺觀象瑞占
七政之齊陽館頒常運協四時之序雨澤應期而播潤河宗聽命以
回流農危奏功黍稷嗣豐年之慶蒸民效順封疆歸輿地之圖刑清
而圉圉屢空物遂而動植咸若驗諸福之畢至宜成功之敢居恭念
祭不欲數者禮之經物無以稱者天之德聲卜迎長之旦幸修肆類
之儀簋豆遵秋九州之嘉薦旗常警蹕儀八衛之祓容庶邦底

貢以駿奔多士東文而顯相稽魯人先口之義以前饗於太宮歌周王
成命之詩肆靈承於有昊行我烈祖徧于羣神禮三獻而精慮意昭
樂六奏而靈旂下祥光旁燭景既脩德錫符已應克誠之享行
慶施惠用均拜胙之禧嘉興萬方共膺純嘏可大赦天下云云於戲
百神受職知帝命之不違五福錫民汎海隅而不冒尚賴忠良修輔
文武協恭益堅勵翼之忠永底輔寧之治爰咨爾東咸體朕懷

宣和七年南郊赦天下制

十一月十九日

門下皇武肇裡是創萬年之業文明制禮爰肇二至之祠朕恭承休
光永念丕緒行我烈祖寶賴賢能之衆多格于皇天當由閭里之安
樂整飭百度撫綏兆民神明享持守之誠華夏樂夷勤之政屬者多
穰穰燕雲之野齊民安海岱之區遠人慕義而玉帛朱川后畏威而
波濤弭荷天休之震動莫不率從奉王業之報難廣無罪悔是用誕

舉崇年之報廟迎景至之期吉事有祥先致殊庭之薦大禮必簡併
嚴清廟之承焜煌十乘萬騎之容終始七戒三齋之德迺潔盛於陽
館遂祇事于恭壇風馬雲車仰百靈之瞻顧星珠月璧知四海之清
明其錫繁禧用宏大賚可大赦天下云云於戲薦馨香之治蓋承九
廟垂裕之休施曠蕩之恩更應一陽發生之候尚賴官師協德恭獻
翰忠共扶不拔之基永篤無疆之慶

雜詔

合祭天地詔 元祐七年九月戊戌

國家郊廟時祀祖宗以來命官攝事惟三歲一親郊則先饗清廟冬
至合祭天地于圓丘元豐間有司援周制以合祭不應古義先帝詔
定親祠此郊之儀未之及行是歲郊不設皇地示位而宗廟之享率
如權制朕以涼昧嗣承六聖休德鴻緒今茲禋禮真幣上帝裸粢廟

宣而地示火未親祀矧朕方修郊見天地之始其冬至南郊宜依
熙寧十年故事設皇地示位以嚴並配之報仍令有司擇日遣官奏
告施行厥後躬行方澤之祀則修元豐六年五月之制俟郊禮畢依
前降指揮集官詳議親祠北郊事及郊祀之歲廟饗典禮以聞

罷攝合祭詔

元祐八年四月丁巳

朕聞五帝不相沿樂三王不相襲禮世有損益因時制宜惟我祖宗
嚴奉郊廟常遣官攝事皆老合於前文惟奠玉親祠自裁成於大禮
每以三歲對越二儀歲秩百神大賚四海迄先帝元豐之末講方澤
特祭之儀蓋將補一代之闕容振百王之墜典朕惟菲德嗣守丕基
列聖已行謹當遵奉先朝未舉懼不克堪是以昔歲仲冬竭誠大祀
神祇饗蒼祖考燕寧前詔有司載如集議猶欲咨度諸儒之論稽參
六藝之文然理既不疑則事無可議斷自朕志協于僉言祇率舊章

水為成式今後南郊合祭天地依元祐七年例施行罷禮部集官詳議

冬祝執元圭御筆手詔 政和三年十月五日

朕若古之訓惟天為大舉天下萬物無以稱之故先王以類而求祀於圓丘象其形奠以蒼璧象其色冬日之至取其時大裘而冕法其幽而未有以體其道夫天元而地黃天道也朕荷天顧誕錫以元圭內亦外黑尺有二寸旁列十有二山蓋周之鎮圭有法乎是祇天之休予以昭事上帝而體其道過周遠矣將來冬祀可擇大圭執元圭庶格上帝之心以敷佑于下民永為定制

賜與

加賜輔臣親王文武臣僚內外諸軍將士詔朕聖二年十一月十一日

迺者因長至之吉擁萬靈之祥發寶冊於大庭奉鴻名於慈極載惟

非德亦徇群情，稽列聖之彌文，享一王之殊號，茲為盛禮。式煥休辰，應輔臣親王於南郊，而賜外各加一千文武百僚，因郊得賜者亦約之。內外諸軍將士，並與大持支。

陪祠

召河陽三城節度使守太傅檢校太師兼侍中致仕曾公亮
武寧軍節度檢校太師守司空中書門下平章事致仕富弼
太子太師致仕張昇太子少師致仕趙鼎赴闕南郊陪位
詔熙寧十年

朕展采園丘，祇見上帝，相我大事，屬在羣公。矧惟老成，宜有顯勛。勉興就位，以稱朕心。

賜王安石免陪位詔

勅朕順典天神，三就郊見，而在外元老，乃以疾辭，不能相予之祀。雖

懷之惓然顧不得聽也可免赴闕陪位故茲詔示想宜知悉

太師致仕文彥博陪祠詔 元祐七年八月

朕嚴郊丘執珪幣肇禋于上帝眷惟顯相莫重乎師垣秉德論道弼亮四世左右我祖考燕及皇天勲在王室貴于帝詩歸老而家茲或弗與乃心缺然謂道舊德何如彊起陪朕同寅熙事毋以勞為辭

太子少師宣徽南院使致仕馮京陪祠詔同上

朕丕承休烈肇修郊饗小大之臣罔不夙夜協衷同恭以佑我熙事至于踈迓亦懷駸奔矧惟耆德弼諧文武有勞乎先世告老謝事休佚中都羨曠裕康可弗與乎厥惟勉起相于肆祀儀刑在列毋或勞憚也

太子少傅致仕韓維陪祠詔同上

朕祇率訓典齊于郊宮以饗上帝必賴秉文之肅雍在列以相厥

事乃眷耆賢歸老輔邦光帝青官之舊察定命黃扉之宿德對越之
際而弗豫焉其如尊賢重故之義何勉力承命陪朕成休

宋朝大詔令集卷第一百二十二

宋朝大詔令集卷第一百二十三

典禮八

北郊

罷合祭詔 紹聖三年正月戊午

朕惟先王之祀天地其特物毘數各以其象類求之故以陽求天祀於冬至之日以陰求地祭於澤中之丘載於典經其義明甚而合祭之論特起於腐儒之臆說歷世襲行未之有改先皇帝以天縱大智緝熙王度是正百禮以交神明遂定北郊親祀之儀將舉千載已墜之典雖甚盛德無以復加乃者有司不原本指尚或因陋肆予冲人嗣有令緒仰惟先志其敢忽忘宜罷合祭自今間因大禮之歲以夏至之日躬祭地祇於北郊應緣祀事儀物及壇壝道路帷宮等宜令有司參酌詳具以聞

北郊前詣景靈宮朝獻太廟朝饗詔元符三年六月丙午

致明祭者莫重於郊丘之祀極優肅者莫嚴於祖考之薦乃者春若
猷訓憲章古昔罷合祭之清修特禮之典將以夏至之日祇款呈祇
之靈比覽有司之陳欲寢前期之告朕惟朝獻於原廟祿將于太室
詎容曠歲之久不及躬祠之奉豈獨異事天之禮抑未稱饗親之誠
怵惕水懷靡違寧處其欽承於先烈用志講於多儀匪敢憚勤庶幾
盡志將來親祠北郊前二日躬詣景靈宮朝獻太廟朝饗並依南郊
儀制

祭地方澤御筆手詔政和三年九月二十日

昔先王父天母地嚴恭祀祭躬行而歲徧朕承嗣丕構率循舊章三
歲一郊大賚天下祇載郊廟荷天之休罔有不格率時昭考既羊合
祭之非牽徂故常尚稽夏至之禮大報天地弗及方丘夙夜以思靡

違寧嚴天祭不欲數數則煩不欲疎疎則怠廢而不舉其可乎惟明
與察不敢不虔自今每遇冬祀大禮後祭地方澤其儀物仗衛應奉
事悉從減省從祭臣僚與隨駕衛士量與支賜簡而易行無偏而不
與之失以稱朕意可令禮制局裁定以聞

夏祭禮成德音

政和四年五月十七日

門下負陰而抱陽萬物所以格生成之化尊天而親地王者所以隆
輔相之功眷言二至之專祠浸紊千齡之隆典自我作古其駿惠于
先猷迄用有成期盡循于周道考協珪幣牲牲之薦威秩山林川澤
之文為壇再成若樂八變蓮豆有楚肇新簿正之規日月為常始辨
車官之制用侑登於烈祖以對越於皇祇丕昭三壤之豐大報几功
之叙密雲不雨協氣橫流屑然景象之旁臻紛若祥光之下燭禮儀
平度含洪之慶無疆福祿來崇博厚之臨有倣并飭聽因之澤肆盼

字辨之恩應四京諸道云云於戲聖人成能既假三神之祉君子有
解式敷四海之休維爾羣倫欽予至意

夏祭禮畢德音 政和七年五月二十五日

門下順承天之義莫踰厚載之功資事母之誠寔重廣禋之祭願惟
菲德獲履至尊永言紹述之圖敢急寅恭之志若時大業底此丕平
天惟惠民其格高明之錫地不受質荐膺翁闈之休水行叙而和流
清農庖修而年穀熟陵阿疏于九服琛瓊走乎八荒禁籟發祥甘醴
協流衍之應宮庭効異神芒超稟牒之占有茲並受之符悉繫威享
之況屬者肇修曠典祇上鴻名率辭揆方既闡一元之化報功饗德
宜遵三歲之祠是用躬事方輿親承大號盡然合祛之陋載嚴侑配
之崇黃玉奠而休氣臻函鍾奏而靈符出于時神心昭哲精意交通
景光燭壇密雲不雨凱風入律歆壤可游惟祭澤之下流豈祝釐之

專駕誕施慶宥均養多方應四方諸道云云於戲含萬物以化光茲
尚坤能之祉效五福而敷錫是昭解吉之仁咨爾羣黎體予至意

夏祭畢德音宣和二年五月二十四日

門下總丹府以御九霄天弗違於道妙坐明堂而觀八極地不受於
珍符功敵日居禮宜有報上遵祖宗三歲郊見之舉也講於舊章下
黜漢唐二儀合祛之非肆稱於新禮乃者柔祇顧眎嘉應荐臻豐年
屢而黍稌多和氣交而風雨節下房効神芝之產厥壤游甘露之零
河沅不揚寶鼎自至屬夏戎之款塞環陝右以休兵正朔加燉煌以
西烽火息天山之外惕惟菲德何以臻茲永思錫類之休敢忘美報
之義乃以夏至之日款于方澤之中萬玉旅廷六樂備奏器用古以
尚質瑕因時而合經黃琮真而精意交函鍾變而靈旂出侑以烈祖
徧于羣神于時獻祇駿奔川后來會驅疾霆而號召驟宿雨以蠲除

一清宇宙之翳氣盡廓乾坤而呈露慶雲覆野美光燭壇坫熙事之
休成欽祭澤而敷錫赦遇宥罪滂垢滌瑕嘉與萬方之人並受三神
之祉應四京諸道云云於戲后皇願享至哉神元之功閭閻均登介
爾太平之福尚賴有官君子三事大夫永肩一心同底于治

恭謝壇殿

見郊壇者已
見南郊門

親祠亳州太清宫回日恭謝天地詔

大中祥符六年八月庚申

朕以眇躬緒茲大寶荷樂康於穹壤膺錫類於祖宗明發之心嘗增
於勵翼大同之俗獲固於隆平蓋積累於善祥豈涼薄之能致而日
欽承瑞命祇奉元符陟元岱而上封款魏睢而大報再臨華洛躬祀寢
園天監孔章民和旁洽暨太宮之歸格乃宣室而凝神屬以上真荐
廼喜朕洪惟寶緒遐晤於有開復念休期肇隆於無斁故將協吉眷
序卜勝神晷恭建壇壝親謝天地竊思三才之始是謂道精萬化之

宗允惟教父顧譙都之舊壤峙曲里之珍祠炎漢庶民薦芬馨而祇
肅有唐繼孝奉寶綬而尊崇俾沃宇之咸康實上清之幽贊當乘法
馭順拜殊庭方冀詢謀未遑誕告而景毫者產趁丹闕而獻封外朝
官師伏彤墀而抗疏願修盛節允契素懷是用祇考元辰緬遵令典
彼渦之曲既奉於蕭鄉在國之陽復薦於圭幣朕以來年春親詣亳
州太清宮行朝謁之禮先於東京置壇迴日恭謝天地一如南郊之
制咨爾歲事及夫撰儀勿曠彼司各揚乃職祀禮所用必極於豐崇
乘輿所須務敦於簡儉應于費用並從官給一路但增修館驛以備
行宮所用什物亦官自營辦不得輒有科率及差役丁夫諸路長史
不得擅離本任來赴行在及以修貢為名輒有率歛而京諸路起居
章表附驛以聞

恭謝大赦天下制 大中祥符七年二月壬辰

門下王者誕受丕圖所以集神祇之既致崇祀所以聲明察之誠
矧道隆之斯隆蓋靈心之乃眷故襄駕展順風之禮虞巡昭肆類之
爰用能儲思希微沈研於妙本降衷彤璽玉冒於群民播厥英聲垂
於永喬顧惟眇質祇紹慶基念守成之惟艱常馭朽而增惕焦勞靡
息菲薄自居庶保善經期臻治古而皇穹降鑿存錫於秘符颯馭下
臨聿彰於鴻緒上儀畢舉寶契遊昌屬尉侯之謚清復歲時之豐楙
克廣重熙之業允符全盛之期言念無休敢忘修報是用朝真竭曲
俯協于興辭定位國陽肇崇於福時達明啓於恭館備精享於太宮
焜耀米章極彌文之制寅威配侑申有恪之容萬玉旅陳八神警蹕
鳴駕方甸薦弊嘉壇三靈以之交歡百順於焉介祉荷祖宗之來格
膺高厚之顧懷獲奉吉蠲良深感慶殊禧山委既祚於邦家渥澤風
行宜均於萬縣可大赦天下云云於戲潔築報德有國之彝章解網

推仁格王之懿範諒至誠之旁達致綽典之具揚期遵日慎之規益
盛時雍之化永延純錫大庇斯民更賴良弼茂親協宣於忠力虎臣
爪士共謹於戎昭暨有位之具寮建庶邦之守吏交修厥職用副予
表咨乃群倫同底于道

恭謝天地于大安殿謁太廟赦天下改明道元年制

天聖九年十一月

戊申

朕紹膺駿命欽奉先猷繼累聖之成基為羣元之司牧內則慈闈申
誨叶助於懿綱外則多士盡規億寧於百度獲保丕構于茲十年念
守文之至難思置器之攸重罔敢自逸期臻太和居常慮善納忠憂
勤於旰日務農勸穡敦厚於時風懋建永圖庶無缺政昨以仲秋
在序炎燎挺災諒儆戒之有繇顧眇冲而增懼既闢讜言之路仍覃
肆眚之恩祇若靈心遵迎和樂洎禁闈之胥葺遂不日以斯成

此蓋哲輔同寅羣材共濟自軒墀之列職運幹力之近臣成集事功
聿新締構戴安燕御之所敢忘修省之懷是用答二儀並祝之仁荷
九廟發祥之祉潔齋路履于以致明察之誠薦老太宮于以伸俊肅
之志精表克展純嘏來因紀號以建元庶順時而布惠爰臨端闕大
賚庶邦可大赦天下宜改天聖十年為明道元年云云於戲惟民多
辟爰頌在宥之文興物咸新式霈如春之澤更賴臣隣弼贊中外傾
輸體茲欽翼之心共享清寧之祐

大慶殿行恭謝之禮御札

嘉祐元年五月甲申

勅内外文武臣寮等執珪璧以事神嚴祖宗而配帝雖有國之常典
亦因時而制宜朕承三聖之丕基撫萬邦之有衆儉于己思天下之
民豐勞于心致天下之民佚罔敢怠忽庶幾治平而首春以來偶爽
調適賴三靈敷祐百福來臻順以節宣復茲康裕加以邊隅不聳風

而以時雖庶務之咸和顧眇躬而增惕是用稽先朝之成憲詢故實於有司即廣殿之祕嚴擇令辰之良吉式伸昭謝以格純休宜示先期俾茲誕告朕取今年九月內於大慶殿行恭謝之禮其今年冬至親祀南郊即宜權罷所有合行諸般恩賞並特就恭謝禮畢一依南郊例施行至日朕親御宣德門宣制仍令所司詳定儀注以聞務遵典禮勿俾煩勞咨爾多方咸體予意故茲札示想宜知悉

恭謝前謁太廟宰臣上第三表請攝事答詔

嘉祐元年八月內實

朕欽懷景貺昭謝明靈率按前彝以圖鉅禮前款廟祔則將偏迪饋嘗遠禋路庭所以合答穹厚永惟濯電時可弗躬雖重諉於建言未即從於來請而卿等固謂在天之后已配帝而申嚴觀德之宮有造官之著式質諸典禮皆適經權勉循勤誠式終熙事將來特遣大臣詣太廟攝事務從嚴恪以稱朕恭

恭謝天地于大慶殿大赦改嘉祐元年制

嘉祐元年九月

門下朕纘承基緒統御幅員總攬萬機周旋三紀思守文之尤重念居上之至難或未明而衣或既盱乃食惟正人是用惟公論是稽恬然過勤舉不知困比春云始平履忽虧荷高明之博臨膺厚順之丕擁宗社降福士民輸忠眇眇之躬逆臻於綏又便便之政率遂於講修雖屬水潦構災河流移道眷言萬國咸克安安邦經所繫朕力何有靈茲循省彌用戰兢秋凜戒期農技畢務誕詢故事參繹前猷約郊壇之儀履路廷之制工師虔鞫物品晏清祇罄誠忱潔伸款見上以答本元之開佑下以靳生聚之樂康履通明靈交示於嚮宜與兆庶共均休嘉式覃渙汗之恩仍易紀年之號以孚神貺以順物宜可大赦天下宜改至和三年為嘉祐元年於戲崇配侑之經所以建宣純孝布寬仁之法所以昭格大和先朝茂規有國常典更賴明廷百

辟皆謹乃官率土羣黎各安其業康助盈成之化永躋仁壽之風

宋朝大詔令集卷第一百二十四

典禮九

明堂一

雜詔

明堂合祭天地太祖太宗真宗配日月河海諸神悉如園丘

從祀詔

皇祐二年三月乙丑

明堂之禮前代並用鄭康成王肅兩家義說兼祭昊天上帝已為變禮國朝自祖宗已來三歲一親郊即禘祭天地而百神靡不從故太祖皇帝嘗祀太宗真宗皇帝祈穀二禮本無地示位當時皆合祭天地以祖宗並配而百神從祀今祀明堂正當三歲親郊之期而禮官所定止祭昊天五帝不及地祇人配坐不及祖宗未合三朝之制況比年以來水旱地震稼穡不登今移郊為大享蓋亦為民祈福若祭

天而不祭地人祖宗不得備配於禮未安其將來親祀明堂宜合祭
皇地祇奉太祖太宗真宗並配而五帝神州地祇亦親獻之日月河
海諸神悉如圜丘從祀之數以稱朕恭事天地祖宗神靈之意

明堂罷從祀羣神詔

元豐三年七月丁亥

朕惟先王制行以起禮孝莫大於嚴父嚴父莫大於配天一也而屬
有尊親之殊禮有隆殺之別故遠而尊者祖則祀於郊之圜丘而配
天邇而親者禘則祀於國之明堂而配上帝天足以及上帝而上帝
未足以盡天故圜丘祀天則對越諸神明堂則上帝而已故其所配
如此然後足以適尊親遠近之義昔者周公之所親行而孔子以為
盛者也事載典冊其理甚明而歷代以來合宮所配既紊於經乃至
雜以先儒六天之說此皆因陋昧古以失情文之宜朕甚不取其將
來祀英宗皇帝於明堂惟以配上帝餘從祀羣神悉罷故茲詔示想

宜知悉

太皇太后明堂禮成罷賀賜中書門下詔 元祐四年

勅門下皇帝臨御海內晏安五經季秋再講宗祀克有君德以享天心顧吾何功獲被斯福今有司因天聖之故事修會慶之盛禮將俾文武稱慶于庭吾自臨決萬機日懷祗畏豈以菲薄之德自比章獻之明矧復皇帝致賀于禁中羣臣奉表于闈左禮文既具夫又何求前朝舊儀吾不敢受將來明堂禮畢不受賀百官並內東門拜表故茲詔示想宜知悉

明堂圖御筆于詔 崇寧四年八月二十四日

朕若先王饗帝之義嚴父之禮布政之后夏有世室商有重屋周有明堂對越在天以孝以享朕承祖宗積累之緒永惟先帝盛德休烈懼無以稱而宗祀之報尚或闕焉中夜以興怵惕靡安比詔有司審

加論定其圖來上於禮有稽追三代之墜典黜諸儒之異說作而成之庶幾乎古朕將秩禮祗載昭事上帝古我烈考歛其五福用敦錫于庶民其姚受仁等所奏明堂圖議可依所定營建唯不得科率勞民仰並從官給仍令學士院降詔施行

建明堂一物以上並從官給御筆于詔

政和五年五月十一日

嚴父配天國之大典百世之下久失其傳考古驗今得其時制比詔建立以篤孝思鳩匠聚材經始不亞州郡應辦深恐從期赴功輒行科擾人用告勞可令一物以上並從官給勿取於民般挈運載優給其直以稱尊事上帝率見昭考之意

修建明堂御筆于詔

政和五年七月十日

孝莫大於嚴父嚴父莫大於配天遠而尊故配祖以鄰近而親故配父於明堂今三歲一郊右我烈祖而宗祀明堂以配上帝寓於殿寢

禮蓋云缺朕嗣承先烈君臨萬邦固極之懷欲報無所夙興夜寐靡
違寧虞宗祀之初嘗詔建立去古既遠歷代之模無足循襲朕萬機
餘閑默諸儒臆說刺經稽古度以九筵分其五室通以八方上圓下
方參合先王之志心庶幾焉相方視址于寢之南匠鳩材自我作
古以稱昭事上帝率見昭考之心咨爾中外其體至懷

明堂制度御筆手詔

政和五年八月十五日

明堂之制自三代以還有為之君雖欲稽法先王終不能如古蓋違
經徇俗惑於衆說失其首意朕永惟嚴父饗帝之禮尚闕未備取考
二託所載考其互見之文得其制作之本命工倅圖莫不備具無一
不合夏后氏曰世室堂修二七廣四修一五室二四步四三尺九階
四旁兩夾窻考夏后氏之制名曰世室人曰堂者則世室非廟堂修
一則度以六尺之步其堂修十四步廣十七步之半人曰五室三四

步四三尺者四步益四尺中央土室也三步益三尺木火金水四室也每室四戶兩夾窓此夏后氏之制也商人重屋堂修七尋崇三尺四阿重屋商人名曰重屋而又曰堂者非寢也即堂也度以八尺之尋其堂修七尋又曰四阿重屋者阿屋之曲也重者屋之複也則商人明堂有四隅之阿四柱複屋則知下方也周人明堂度以九尺之筵三代之制不相襲夏曰世室商曰重屋周曰明堂則知皆堂也東西九筵南北七筵堂崇一筵五室九室二筵者九筵則東西長七筵則南北狹所以象天形則知上圓也夏商周之名雖不相襲其制則一唯步尋筵廣狹不同爾考上記所言三代之制亦各互見朕萬機之暇取夏后氏益五室之度蕙商人四阿重屋之制從周人度以九尺之筵上圓象天下方法地四戶以合四序八窓以應八節五室以象五行十二堂以應十二朔九階四阿每室四戶夾以八窓兼三

代之制黜諸儒之臆說饗帝嚴父聽朔布政於一堂之上於古皆合其制大備宜今明堂使司遵圖建立以稱朕意布告中外咸使聞知

明堂專以配帝嚴父御筆手詔政和七年四月二十三日

若稽古明王稱情制禮遠而尊故配祖於郊近而親故配帝以稱明報天事帝尊祖嚴父之義至矣朕嗣承先志考協禮經肇建明堂得其時制上圖法天下方象地陰陽五行四時人方之義裒對於一堂之上述茲有成庶幾三代有司奏言將頌常見視朔以朝諸侯雖於古有合顧何德以堪之夫辨方正位儻工鳩材有嚴宗祀蓋以欽若昊天率見昭考兢兢業業懼不克敬而末予汙人員表南面以聽天下其敢違處將來明堂專以配帝嚴父餘悉移於大慶文德殿以伸昭事孝思之心布告中外咸使聞知

建明堂推恩母得為例御筆手詔政和七年六月

明堂鉅典曠古紛紜粵政和五年建官設屬親投規矩荷天之休工
用有成上追三代下陋漢唐於是昭是孝思之志夙夕以寧不其體
歟應修建一行所推恩數悉出親筆度越常格深慮官司日後應緣
功效輒有攀援妄亂陳請具擬體例僥冒賞典三省樞密院常切檢
察自今毋得為例有妄陳請官司以違御筆詔吏杖春點配海島諸
房人吏不檢舉中書後省不繳詞頭門下後省不封駁御史臺不彈
劾並與陳請官司同罪仍許互糾以聞不分首從不以赦降去官原
減

明堂五室御筆手詔政和七年八月十八日

宗祀明堂以配上帝後世猶未習配於六天而又適以羣神從祀
違經失禮瀆神為甚昔我烈考下詔改革是正禮經今肇建明堂並

依先帝詔旨從祀悉罷明堂五室不可虛設考之周書有大裘而冕與設大次小次之文則義當親祠而不廢有司以議來上嘉從其說已降指揮親祀五帝於五室革末世濟神之陋上承先帝已行之旨而協周人饗帝之恭故茲詔示俾喻至懷

秋饗明堂如孟月朝享禮詔書

政和八年四月二十七日

朕肇建合宮稱秩元祀既右烈考以配上帝載稽國典參貨時令季秋大饗歲所常行朕將躬執豆蓬承神致孝自今以始著為定制惟先王之世大禮必簡觀天下之物無以稱其德則以內心為貴帝親之奉其敢弗欽而明堂近在宮城秋饗實薦時事行之久遠宜極簡嚴其每歲季秋親祠如孟月朝獻禮更不差五使儀使等其合行事件令所屬條具申請故茲詔示想宜知悉

御札

皇祐二年有事明堂御札 三月戊子

事天事地治國之善經饗帝饗親聖王之盛節所以懋昭孝本悖訓
民先致理之原率繇茲舉朕欽膺瑞命撫有中區賴高厚之傾臨加
人祇之協贊方隅底屬歲物順著濟此丕平莫匪靈貺緬稽先憲祇
見昊穹而祈穀于春祭雩以夏迨升禋於景至皆親展於國容惟明
堂布政之宮尊嚴父配天之禮雖崇精享未即躬行言念及茲心焉
載惕今將消季秋之令旦舉宗祀之上儀恭接神明奉將牲幣庶成
繼考豈敢憚勤朕以今年九月內擇日有事于明堂罷今年冬至親
祠南郊之禮諸道州府不得以進奉為名輒行科率

嘉祐七年有事明堂御札 七月戊午

朕蒙上神之休膺列聖之緒兢兢業業固敢忽荒惟皇祐之再秋薦
五精於重宇明以教萬民之孝幽以通羣靈之愷歷年于茲天曠弗

舉今四時和裕羣物茂豐奉牲告盛曷勤之憚况夫容臺獻議去並
侑之煩樂府考音推至和之本宜恢盛制用戒先期朕以今年季秋
擇日有事於明堂其合行恩賞並如南郊故事諸道州府不得以進
貢為名輒行科率致有煩勞

五月

熙寧四年有事明堂御札

辛亥

朕荷二儀之休履四海之冒經底政之至治秩將禮之彌文欽惟五
聖之謨常躬三載之祀自續隆於大業已肆類於圓丘興言總章未
紹嘉饗維仁祖之式宜謹於遵修維久考之尊宜嚴於陟配沉萬寶
時楙三光仰澄官帥協恭方隅底定是用稽仍路寢之制消漢肅霜
之辰上以裒對天明展昭事之重下以飭厲民志示追養之勤特戒
先期以孚大號朕取今年季秋擇日有事于明堂合行恩賞並依南
郊例施行諸道州府不得以進奉為名輒行科率

元豐三年有事明堂御札四月丙辰

朕躬履儉勤慕承歷服荷二儀之眷佑欽萬國之和平見帝郊丘寧
神廟拓彌文屢請精義已通維典章之上儀實勝配之鴻禮雖嘗宗
祀未稱孝思矧四時順成百物豐美臣工協濟華夏交懽宜卜肅霜
之辰載考合宮之典具嚴昭事用伸報本之誠明示有尊廉廣教民
之道其敷大號以戒先期朕取今年季秋擇日有事于明堂咨爾佅
司各揚厥職

元祐元年有事明堂御札六月癸酉

祭莫重於承天故昭事以極其報禮莫先於嚴父故陟配以達其誠
於皇辟王永世克孝蓋未嘗不修大饗之禮稽六經之文顧惟沖人
獲紹正統茫然銜恤亦既踰年興言總章之堂未躬上帝之祀卜用
秋杪裒對天明以儀式刑文考之謨以清緝熙烈祖之典歡迎介祉

燕及羣生宜戒先期特享大號朕取今年季秋擇日有事于明堂禮成宜制恩賞並依南郊例施行咨爾攸司各揚厥職

元祐四年有事明堂御札 三月戊寅

朕蒙天地降康鑠宗廟休緒內師文母之聖以底綏四方外率昭考之行以統正萬事而百度允若五年于茲民物和而風雨惟時四裔服而兵寧不作顧以不敏其何能臻永惟繼序之難益思嚴父之報矧聖德無以加於孝唯宗祀莫大於配天俾由舊章爰秩新禮乃卜季秋之饗以脩上帝之尊申戒前期誕告有衆朕取今年季秋擇日有事于明堂禮成宜制恩賞並依南郊例施行咨爾攸司各揚厥職

紹聖二年有事明堂詔 四月壬午

朕丕承基緒惟典神天上賴明靈之歆用綏華夏之福而三辰執道九扈奏功邇遐允懷勃植咸若有扶斯祐實自前人之光無疆惟休

取忘昭考之烈惟祭親之為孝惟配帝之為嚴當致靈承之心以明昭報之義稱秩新禮率由舊章申戒前期誕告有衆朕今年季秋擇日有事于明堂禮成宣制恩賞並依南郊例施行咨爾攸司各揚乃職

政和七年季秋宗祀明堂御札 五月十八日

勅內外文武臣僚等燕及皇天禮寔嚴於大饗率時昭考孝莫重於宗祈比稽治古之隆肆考合宮之壯相方視址于園之陽面勢飭材猶周之舊哀對四時之序甄陶二氣之和達鄉重簷牖合六經之陸緒方輿圖益是興萬世之閔摹永觀厥成不愆于素願豈人謀之可致茲惟帝命之不違爰念紫壇暨于泰折要格燎禋之盛既修盛祀之專永維繼志述事之圖敢忘嚴父配天之禮況明靈之妥佑方符瑞之旁臻其圖太室之儀用卜杪秋之吉侑登禰廟對越上穹賓延五

府之神祇薦九州之味具申報本斯昭萬寶之成誕示寧親以教諸
侯之孝直孚有衆式告前期朕以今年季秋宗祀于明堂咨爾攸司
各揚乃職相予肆祀無或不恭故茲札示想宜知悉

宋朝大詔令集卷第一百二十五

典禮十

明堂二

赦文

皇祐二年明堂赦天下制 九月辛亥

門下朕恭紹淳烈顯綏庶邦懋經禮樂之原緬遵聖孝之節洪惟事
天四祭而上辛雩禘間或躬行奉郊三年而大神祖宗頃崇並侑憲
矩若稽於盛古革因昭建於本朝惟時總章未展嚴報矧文考之肇
志顧沖德之燕承當講闕儀道罔熙事屬方隅恭定歛措阜成祥應
屢臻和氣周洽荷幽明之叶佑蒼高厚之錫康是用訟酌舊章參求
博議式消路寢以奠合宮袞對二靈陟配王后賓以恭微之坐陪以
赤縣之祗幣玉普登精純咸薦四海來職六樂具修越前款於琳宮

後祇裸於清廟逮茲宗祀率慶依成被神况以無垠揆國容而有體
既膺玉璫迺御端闈嘉與萬方同均介祉寓縣之惟交感雷雨之施
流行可大赦天下云云於戲並饗帝親既盡誠于大祭均敷慶惠宜
渙號於溥天尚賴三事宗工百執列位罄乃衆志弼予一人求孚于
体同底于治

嘉祐七年明堂赦天下制 九月辛亥

門下朕承三聖之基履四海之貴深惟持國之日久益念為君之道
難有臨德之勤庶以圖天下之佚無奉養之靡庶以資天下之豐統
統萬幾之惟微勉勉前事之所戒倚以左右輔弼之正予敢有弗欽
事于上下神祇之明予敢有弗肅屬九穀登富三辰昭華象來桂海
之祥塵絕玉闕之警有邦之應於朕豈功恭念為天子者必修報
本之禮為人之子者必懷退養之慕重循菲德辱緝贖文頃按明堂

之圖如古路寢之制載經斯室載度斯筵直大火之駢芒乘季秋之
肅氣物無上帝之稱非躬祠不足昭寧度聖惟文考之尊非嚴配不
足盡厚考於是備法物之駕服大冕之章格靈蒞於真庭欵清德於
太宇遂祇宗祀之舉具飭純誠之時廼神光陸離燭于薦幣之夕嘉
氣休晏被于欽柴之時置丕事之告成敢著登之專鄉宜敷廷渙以
契天心可大赦天下云云於戲承神之胙既均輝曜之微盪俗之瑕
渙若風霆之布蓋禮鉅則澤之博孝至闕勸以遐尚賴秉文之英經
武之傑厲同寅於王室恢大治於邦圖共荷無疆之休亦膺無窮之
問

熙寧四年明堂赦天下制 九月辛卯

門下王者尊親之禮莫隆於昭配之嚴聖人饗帝之誠莫著於靈承
之實朕席五聖之丕緒荷二儀之眷休永念守成之難敢忘小臣之

義尚嘗不體一元而端本節五事而承天內屏遊畋之娛外親保惠之政選仕賢哲付以輔相之宜登顯俊良責以事功之効既黜陟以三考又平成其九功五年于茲百度咸若尚且慮一天之弗獲虞庶事之末康每形引咎之言深軫過災之懼天監明德民懷至仁陰陽和平華夏溫晏底此休功之盛率予昭考之行興言考思未舉宗祀爰擇季秋之吉以代至日之禋勅四海之職以相其儀致九州之味以脩其薦遠述周公之志近循仁祖之規按合室之古圖仍路寢之時制哀對上帝將以示民之有尊宥延五精不忘報祖之由出況乃欵謁清廟奉祠紫宮爰稱秩於無文率先期而致告禮樂明脩上有以懷柔百神天人協和不得以緝熙純嘏非予一人之能饗惟爾萬方之絃成宜均福釐廣述臣庶可大赦天下云云於戲親嚴之饗由愴怛於朕心在宥之恩推愛慈于天下庸示更新之令期臻恥格之

風尚賴左右宗上中外多士同濟泰寧之治永享無疆之休

元豐三年明堂赦天下制九月二十二日辛巳

門下朕承五聖積累之基接千載神靈之統順建古訓惠綏黎元玩心於幾微儲思乎昭曠夙興夜寐永惟二帝之盛時日就月將思繼三王之絕業然而禮稷於商周之後樂失於韶濩之餘究觀本原寢紊彝制祀事習行而怙於舛誤祠官妄舉而闕不講修短者刺六經之文采諸儒之議袂飾陋典發揮祕容祗奉乎天地神祇之尊蒼揚乎祖宗功德之懿于時五籙來叙三農屢豐至氛弭消民氣休靜乃消路寢之室乃度崇堂之筵諏季秋之靈辰脩庶物之美報念神莫帝之大肇新專饗之儀念人莫親之隆載陳嚴配之禮於是駕齊輅之潔建鸞旗之華被袞冕以欵琳宮執鬯圭以裸清廟還登陽館之陞大奏我將之詩文物燦庭而輝煌璧玉爛席而華絢昭事上帝克

禮克祀而精意通燕及皇天如幾如式而美祥下悽然涼露之感肅
然榮光之臨豈朕眇冲敢私貺施垂恩階社既膺自天之降康蕩垢
滌瑕嘉與舍生而均慶可大赦天下云云於戲德隆報薄無馨氣以
動于神明享厚施豐有膏澤以洽于黎庶保人中外輯寧邦家尚賴
三事協恭群公輸力如股肱之衛予體如符契之合予心豈獨一時
天人助信順之至人將百世君臣同福祿之多

元祐元年明堂赦天下制

九月六日

門下聖人之德無以加孝帝王之典莫大承天朕以眇眇之身莞莞
在疚永惟置器之重惕若臨淵之深永明繼成思有以建先王之烈
紹志述事未足以慰天下之心仰繫毋慈慈總攬政體解熙百度和樂
四方賴帝况臨浹雷寧又三陞之兵靡警萬邦之年屢豐庶幾天同
光嗣成美深惟六聖之制必躬三歲之祠維茲肇禮屬予訪落設有

以權而從變祭無以卑而廢尊欽言總章古重宗祀以敷諸侯之孝
以得萬國之心我享維天下武式文王之典大孝嚴父孔子謂周公
其人追惟先猷嘗講茲禮已舉儒術皆諷措紳刺六經放逸之文斥
衆言消亂之蔽嘉興四海靈承一天革顯慶之並尊隆永徽之專配
成於獨斷昇予沖人遵遺教於前著成法於後消遺吉日襄輯上儀
奉壘琳宮奠玉路寢神之弔矣燕及皇天誰其配之既右烈考於時
風齊輅之駕被袞冕之章備庶物之微追三牲之養靈存而風馬下
孝奏而日月光暢然履霜詎勝悵愴之意倏然出戶如聞歎息之音
秩祐賚我思成侍臣助予惻楚既迄成於熙事敢專繫於闕休宜布
湛恩以暨諸夏可大赦天下云云於戲漢廷祀帝著於即祚之躔年
唐室施仁固以御門之吉日蓋禮盛者文縟澤大者流長尚賴文武
之英屏翰之雋協恭政治以輔邦國

元祐四年明堂赦天下制九月辛巳

門下治人莫急於重祭嚴父敦大於配天昔者周公祀明堂而致孝
鴻惟仁祖撫路寢以尊親參合古今之宜茲謂情文之盡肆我昭考
稱秩彞祠周爰群策之長專崇一帝之配聖作明述事並功偕播呂
今之文則饗以秋季案魯經之載則日用吉辛先協靈心奉為常憲
朕纂圖宸極承訓慈闈事舉於中禮循其舊嚮講親祠之制一遵先
聖之謨對越上神俞受純嘏五禋來脩三捨于茲屬方隅之底寧嘉
河流之順復物無疵癘民用平康荷穹昊之降休致函生之蒙祉復
會一郊之歲前詢七數之謀而乾象垂文辰集房心之次朝儀取法
是為政教之宮適及其時茲用展采陳千乘萬駟之儀銜極四海九
州之貢羞羔豕欲有以致其嚴猶懼無以稱其德前期戒衆各揚職以
盡恭先甲端誠集中虛而思道始欽柴於真館旋脩物於大庭作主

有神帝與親而並饗真匏及瓚薦暨裸以交行一純罄而高明歆四
氣和而諸福應有司已事祝嘏既告以孝慈與物惟新風寔爰布於
號令式均惠澤溥被敷天可大赦天下云云延州要藩上郡舊境皇
朝建軼武之節以開帥庭先帝寵玉爵之封以賜朕履惟山川之嚴
峻本土俗之敦厯宜加府號之稱用旌受命之地延州并為延安府
云云於戲合內朝之祀事既因錫美以推仁得萬國之歡心又將使
民而致孝蓋布德行惠者非賢固又任大守重者惟后克艱尚賴文
武蓋臣股肱碩輔共底緝熙之治庶幾忠厚之風咨爾羣倫其體朕
意

紹聖三年明堂赦天下制 九月辛亥

門下順考禮經莫先於祭典通遵成業益重於孝思朕以眇躬獲承
休德訪予落止奉長信於簾幃始初清明紹先朝之矩矱不懈于事

惟既乃心延登雋良修飭治具每懷兢慎懼慙盈成方海寓之晏寧亦雨暘之順序心存偃伯誠在卯農十有一年允釐庶務豈朕寡德致此休嘉洪惟禰宮垂茲佑助益勵從先之志適丁親祀之期配帝饗親用周公之故事明堂路履協仁祖之宏規月用季秋日維辛吉備千乘萬騎之儀衛先有事於琳宮極四海九州之貢羞用親禘於太室駿奔揚職貯望薦誠一純罄而高明歆四時和而福禧應有司已事慶熙洽之告成與物惟新布惠和而肆肯式揚大號爰及敷天可大赦天下云云於戲盛禘總章所以告諸侯之孝推恩綿宇所以致天下之知更賴三事協恭百官修職共申勵異永底丕平

大觀元年明堂赦天下制

九月二十八日

門下帝為大神非精裡無以獲其格親則皇考非專饗無以極其嚴鴻惟本朝上稽周室宗祀明堂而致孝規圖廣殿以陳儀時選抄秋

之良卜用維辛之吉協靈心而昭事崇侑食以來寧肆于非躬紹乃
大統發揮古訓率循舊章禮緝熙豐之討論樂用崇觀之制作雖度
筵猶因乎路寢而均律已得乎中聲矧故事之維醇抑嘉祥之滋至
鉅河澄徹咸環豐登王德洽而控犴清壬人退而壘瓦服顧惟零昧
成茲人安實賴謨烈之燕詒與夫昊穹之眷佑念無得而施報在薦
誠而必躬是用朝獻殊庭祿將太室還登陽館之陞大奏合宮之歌
駸奔之多士秉文顯相之厚公咸一故明靈昭格既施衍蕃祝嘏並
告乎孝慈風馬胥來而盼鑿既多受祉誕膺帝命之休用錫庶民欽
敷時歛之福揚于端闕眷爾多方可大赦天下云云於戲信順之助
丕應乎天人祭祀之澤均覃於海宇茂爾臣民之眷慶篤予邦國之
榮懷尚賴德惠流行垢瑕掩滌小大盡輸於忠義邇遐咸奮於事功
永底丕隆並綏弗祿

政和七年宗祀赦天下制 九月六日

門下祗承于帝膺駿命者必昭大報之誠對越在天竭孝思者必謹
肇禋之舉乃春度筵之制以應考室之文若有大猷稱秩元祝規天
矩地通追三代之隆負陰抱陽袞對一堂之上八牖以達八方之氣
四阿以旋四序之和丕應旁臻珍祺紹至靈臺底麻星占出柳之符
農扈儲祥電協維極之瑞帝省山則隆棟來于雲壑嶽修貢則文石
擬于龜書方程屬植之功已考司空之辟是繫神策匪直人謀爰熙
大室之崇大饗補霜之吉有尊禰廟嚴配昊穹四海會同用繼皇
祐肇基之志五位時序益增元豈垂裕之光工祝告親製之辭備樂
奏躬修之律駿奔在廷者皆知秉德祗栗于位者無有違心忝忝分
谷齊誠允格洞洞屬屬神保是修方鉅典之消成既繁禋之顯被其敷
惠術誕需恩綸內均四守之微外浹萬邦之衆可大赦天下云云於

戲上天孚祐蒞承帝親並享之休下國駭厯敢後福祿攸同之錫疇
咨遐通共對榮懷

陪祠

召文彥博明堂陪祠詔

朕將以季秋大饗於明堂宗祀神考以配上帝惟卿舊德夙輔四朝
國之耆賢其來顯相二都茲邇無憚少勞明堂大禮可赴闕陪位

召韓維王存明堂陪祠詔

朕將以季秋大饗於明堂宗祀神考以配上帝惟卿舊德夙嘗列近司
嘉與寅恭顯相熙事克副虛佇無憚少勞明堂大禮可赴闕陪位

允太師致仕文彥博免陪祠

紹聖二年十月壬子

茲朕大饗合宮昭配聖考嘉與股肱舊臣協相盛禮刻章奉上告以
罷廢其即所安體茲眷注可免赴闕陪位

宋朝大詔令集卷第一百二十五

宋朝大詔令集卷第一百二十六

典禮十一

明堂三

政和八年戊戌歲運歲運自八年頒詔書

政和七年十月朔皇帝御明堂平朔左介申命牧司頒告八年戊戌歲運麻數于天下皇帝若曰古我先后先天而天弗違後天而奉天時其歲月日時無易民用平康今朕臨觀八極考建五常以天地日月星辰氣運之數敷錫庶民以待來歲之宜惟爾萬邦率茲典常奉若天道欽朕時憲保于有極以溥四海固或不祇政和八年戊戌歲運氣陽火大過運行先天太徵少宮太商少羽少角五氣運行各終暮日赫曦之紀北政司天丹之氣經于戊分太陽司天左間厥陰右間陽明太陰在泉左間少陽右間少陰歲半之前天氣太陽主之歲

半之後地氣太陰主之水土合德上應辰星鎮星寒化六熱化七濕
化五木位為初氣大火為二氣相火為三氣土位為四氣金位為五氣水
位為終氣是為主初之氣少陽相火居木位二之氣陽明燥金居火位三
之氣太陽寒水居火位四之氣厥陰風水居土位五之氣少陽大火居金
位終之氣太陰濕土居水位是為客氣戊火太過赫曦之紀戊為太陽司天之政太
陽寒水有以勝火火既受制其氣適平故曰上羽與政徵同蓋火之
太過為太徵不及為少徵平為正徵以運推之陰氣內化陽氣外榮
炎暑施化物得以昌其氣高其性速其收齊其病瘥其穀麥豆其畜
羊彘其果杏栗其氣赤白元其味苦辛鹹其祭肝心肺其蟲羽鱗以
氣推之天氣肅地氣靜寒政不舉澤無缺少陽中治時雨乃注還於
太陰濕化乃布寒濕之氣交歲平以前民感寒氣病本於心平以辛
執佐以甘苦以醎寫之歲平之後民感濕氣病本於腎治以苦熱佐以

酸淡以苦燥之以淡泄之一歲之間宜食元穀之穀以全其真資化源以助天氣無使暴過而生痰是謂至治政和八年戊戌歲麻布告中外咸使聞知

政和七年十月月令自是月始頒

政和七年十月朔皇帝御明堂平朔左个以是月天運政和布告于天下曰孟冬之月斗建辛亥日在氐昏女中曉星中朔日乙卯律中應鍾戊午立冬盛德在水水始冰地始凍雉入大水為蜃虹藏不見其位金其氣厥陰風木五之氣終木火交司地氣始閉人氣在心其德淒滄其化為肅其政為靜其令為寒是月也去寒就溫無泄皮膚使氣亟奪病在四支逆冬氣則少陰不藏春為痿厥陰所至為風生終為膚為毛化為生化為撓動為迎隨暖風來至草乃生榮茂氣和養生之宜慎無犯溫補宜以辛馬宜以酸穀宜用麥是月也朔告于

廟皇帝居平朔在介申命有司立冬之日祀黑帝迎氣於北門之外
祀中大一祀北方嶽鎮海瀆祀健鼎祀行乃以後亥祀司中司命司
民司祿甲子祭神州地示卜吉薦享于宮是月也以新薦于寢廟蓋
以兔采以栗蔬以山蕓是月也天氣上騰地氣下降天地不通閉塞
而成冬皇帝始裘乃以朔日頒裘服于內外羣辟大府以軍士來歲
春服之式陳闕于庭九樂以應鍾為宮南呂為商林鍾為角仲呂為
閏徵姑洗為徵太簇為羽黃鍾為閏宮是月也皇帝受來歲之麻頒
之天下申命有司理橋梁修道路揀補禁旅不足之數禁野曉休城
池卒役閏習樓櫓器備是月也中命有司農務畢乃受田訟申詔部
使者舉恤刑之典命長吏慮囚徒察枉濫毋或廢怠工師校弓弩者
以是月為準訓民兵以射藝坐作進退之法歲帛豫市於民者州縣
以是月請于州是月也小雪至有司歸役兵于營屯是月也錄老疾

孤幼不能自存察乞丐之非遊墮者藉其姓名以待賑給孟冬行春
令則凍閉不密行夏令則國多熱亂蟄蟲後生行秋令則雪霜不時
惟爾萬邦黎庶用天之道毋或有違凡厥攸司率爾典常申厥政令
其或不恭邦有常刑

十一月月令

政和七年十一月朔皇帝御明堂南面以朝百辟退授民時布政事
於天下曰仲冬之月月建壬子日在尾昏室中曉翼中朔日乙酉律
中黃鍾已丑大雪盛德在水鶡旦不鳴虎始配荔挺出其位水其氣
少陰火居之是月也水復地氣合其德凄澆其化為肅其政為靜其
令為寒八氣在腎去寒就溫無泄皮膚使氣亟奪病在四支逆冬氣
則少陰不藏春為瘰癧奉生者少陰所至為熱生終為寒為羽化為
榮化為曠是月也陽氣布候迺溫蟄蟲出見流水不冰民感其氣其

病為溫其味為宜以鹹補之以苦殺宜用豆其聲黃鍾為宮太簇為聲姑洗為角蕤賓為閏徵林鍾為徵南呂為羽應鍾為閏宮調以羽使氣適平民用平康是月也朔告于廟以新薦于廟寢羞以腐命有司祭馬步日至祀昊天玉皇上帝于園壇祀寶鼎皇帝火朝會于路寢是月也以朔日給老疾不能自存與乞丐非慵惰者之食計老幼之數為之差等命有司循行繫囚暫遣毋留扞獄禁肉給火假以襦袴元罪人毋命於市諸軍坐配坑若遁逃應部送遣行者隕所至留役於州飯之勿遣河防工役分緩急三等急其先者是月也天應節有罪毋決三日日至停決大辟囚役夫舍其功之半雨雪則止斤斧毋入山林凡老疾孤幼若丐乞化於途命官賑救給以饘粥宮為收養是月也籍來歲蠶者監數縣申州以待來歲給之凡縣給納之官勿離治所仲冬行夏令則旱氣霧冥冥雷發聲行秋命則天時雨爪蟻

不成行春令則蟲蝗為敗水泉咸竭人多疥癘惟爾萬邦恭庶奉若
天道欽若攸司遵于時憲舉而行之罔或不虔其令諸路監司郡守
行訖以聞

十二月月令

政和七年十二月朔皇帝御明堂平朔右介以是月火運政治布告
于天下曰季冬之月月建癸丑日在斗昏奎中曉亢中朔日甲寅律
中大呂盛德在水鴈北嚮鷦始巢雉雖雞乳征鳥厲疾水澤腹堅是
月也冰復結地氣合其性凜其德淒滄其化清謐其政凝肅其令為
寒在地為水其在人也去寒就溫無泄皮膚使氣亟奪是月也主位
寒水客氣少陰火客氣所至火居之為暄為大火府為舒榮為刑見
為熱生中為寒為羽化為榮化為大暄寒為高明焰為燠陽氣布候
復溫蟄蟲來見流水不冰火寒節前太陽水之位以後厥陰木之

位客氣少陰火至是交於少陽二火交司其病溫宜調少陰之客以
賦補之以甘芎之食歲穀之丹以安其氣食間穀之豆以去其邪凡
樂之聲大呂為宮夷則為徵夾鍾為商無射為羽中呂為角黃鍾為
閏宮林鍾為閏徵客氣少陰火調以羽尚羽而抑徵使氣適中民廼
平康是月也朔告于寢廟以成臘大亨卜吉薦新羞以魚以豢酉祭
社稷配以勾龍后稷大蜡八以記四方祭司寒納冰于凌陰是月也
縣以選士升于州州以貢士升于辟雍凡學校諸生行藝尚者以日
月為差歲以待來歲之試醫生校藝業而後遺者亦以是月至于局
乃命有司會常平之歲用摠居養之閑收安濟之所全活漏澤之所
埋藏悉以其實來上較常平官之功過以為等差弗虔于職邦有常
憲是也命戶部具天下民數之陞降禮部上歲中祥瑞刑部會已
斷大辟兵部揭諸路民兵水部檢舉頌樂役兵以脩疾疫 部預頌

帑藏印以防姦偽是月也日窮于次月窮于紀星回于天歲將更始
凡上供之穀毋敢不入凡糧草之數毋敢不 監司互巡必徧所部
計帳勾稽各上本曹軍器增虧與功程進退以是月比較若軍卒逃
亡理欠多寡以是日賞罰乃命有司以衣給飢流之民諸郡長吏較
縣令勸農勤惰以為優劣之等部使者會盜賊已獲未獲之數較令
佐添植桑柘之實以其最多取少者聞于吏部奉常長貳凡天地社
稷百神壇必周察之毋或不完有司火雘索室驅疫磔牲于南門之
外是月也自大寒後二氣交司主位風木客氣少陽相火得戊戌歲
之初氣季冬行秋令則白露早降介蟲為妖行春令則胎夫多傷人
多痼疾行夏令則水潦為害時雪不降冰凍消釋咨爾有衆用天之
道隨時之宜立政立事罔非先王成憲尚克率循與時豫怠其或不
恭必罰無赦

政和八年正月月令

政和八年正月朔皇帝御明堂青陽左个以是月火運政治布告于天下曰孟春之月月建甲寅日在虛昏胃中曉房中朔日甲申七日庚寅立春盛德在木其帝太皞其神句芒其色蒼其音角其數八律中太簇東風解凍蟄蟲始振魚止冰獺祭魚鴻鴈來草木萌動是月也天氣始亨地氣始發人氣在肝天度至此風氣乃行天地神明號令之始其性暄其德敷和其化生榮其政舒啓其令宣發其在人也逆春氣則少陽不生夏為寒變奉長者少是月也主位風木容氣少陽相火其氣所至為熱府為長為著鮮為燔燎為光顯為彤雲為曠為羽化為火生終為溽蒸少陽中治時雨乃沛是月也地氣遷氣迺大溫草乃早榮民迺厲溫病迺作宜調少陽之容以臧補之以下瀉之食元穀以全其真避虛邪以安其正司氣以熱藥食之宜用熱丸

樂之聲太簇為宮南呂為徵姑洗為商應鍾為羽蕤賓為角大呂為閏
宮夷則閏徵是氣少陽相火與歲運同火氣太過調宜羽致其和是月也朔告
于廟皇帝大朝會於路設命有司以上辛折穀於上帝配以太宗祀
感生帝配以宣祖以立春祀青帝東太一祀東方獄鎮海濱祀蘇門
祀戶命州縣出土牛示農早晚乃以後亥享先農辛丑祀風師卜吉
薦享於廟朝獻於宮乃擇元辰皇帝載耒耜以玉輅率公卿大夫躬
耕帝籍播時種程是月也薦新于殿廟蔬以韭對配以卯是月也元
日釋菜于先聖命諸生作樂凡學歲終校定是月以聞乃大比貢士
而去取之命監司牧守各舉勸農御筆以督所部察其勤惰命宗正
以宗藩慶系錄束上戶部覈戶口登耗之實刑部遣御史督繫囚留
獄都水以河隄固狀上于工部凡闕津義察城門啓閉司門舉其禁
令是月也止伐木申理皆之命凡法令增改錄目徧下舉寬恤乎詔

以惠兆民是月也揭捕蝗法赶上供物之守凍者凡八路夏糴若四
路河棠必預戒毋乏事乃命帥臣按諸將兵馬較其強惰肥瘠以為
殿取諸軍官騎營屯空舍歸明除附成以其數上於本曹給鹽以利糴
者歲帛之市於民者豫予之直命部使者具循行所至月日考郡守
任內催科為優劣等農田水利役作輟若場務歲課增虧皆聞於所隸
孟春行夏令則雨水不時草木早落行秋令則民大疫疾風暴雨摠
至藜莠蓬蒿並興行冬令則水潦為敗雪霜大至首種不入於戲惟
天難謀惟聖時惡惟臣欽若惟民從又盜爾有衆其克率循毋怠

二月月命

政和八年二月朔皇帝御明堂青陽以是月天運政治布告於天下
曰仲春之月日在室昏參申旦尾中朔日癸丑乙卯草木萌動庚申
驚蟄斗建卯昏井中曉尾中挑始華乙丑倉庚鳴庚午鷹化為鳩律

中夾鍾之正聲乙亥春分日在奎昏井中曉箕中乙鳥至庚辰雷發
聲律中夾鍾之中聲盛德在木其帝太皞其神句芒其色蒼其音角
其數八是月也生氣淳化萬物以榮其性暄其德敷和其化生榮其
政舒啓其令宣發其在人也逆春氣則少陽不生夏為寒變奉長者
少是月也厥陰風木之位少陽相火加之其氣為熱府為長為蕃鮮
為燔燎為光顯為形雲為曠為羽化為火生終為溽蒸是月也
氣短火濕民短屬溫病乃作宜調少陽以鹹補之以甘瀉之以鹹短之
食元穀以全其真避虛邪以安其正藥食之宜用熱遠濕凡樂之聲夾
鍾為宮無射為徵仲呂為商黃鍾為羽林鍾為角太簇為門宮南呂
為閏徵調宜羽致其和是月也朔告于廟以享釋奠於先聖上戊釋奠於
武成王祭社稷以句龍后稷春分朝日于東門之外祭司寒開冰先薦腥廟享青
鬯祀高禘奉弓錫昨酒入于宮中乃擇元日記九宮貴神祀五龍祀馬祖命宗

正選官薦獻陵寢諸州杞古帝王述其功臣命有司第大比公試之上
以名聞郡縣發常平金穀者耕農務方興毋受田訟是月也始禁野燒毋捕鳥
獸頒藥以救民疾浚溝洫頒春服于內外官暨吏卒始役壯城卒治城
池課河隄吏植榆柳行視工役無敢怠息凡以條枚稟稔輸河脩者畢至部
送之隸留役於州者遣之是月也諸路上守令課績省曹較監司功過縣列戶口
登耗之實于州役卒以太寒歸營而逃亡者州摠其數報後所凡宣
借率代更名數若場務立歲額保伍造新帳皆聞於所報是月也春
分後主位少陰客氣陽明金火交司為二之氣行秋命則國大旱煖氣早來蟲螟為
害於戲咨爾多方欵于時憲夙夜承序毋教

三月月令

政和八年三月朔皇帝御明堂青陽右个以是月天運政治布告于

天下曰季春之月朔日癸未日在奎昏井中曉斗中辛卯清明斗建辰昏柳中曉斗中得季春之節桐始華而申曰鼠化為鴽辛丑虹始見律中姑洗之正聲丙午穀雨日在胃昏張中曉斗中得季春之中氣萍始生辛亥鳴鳩拂其羽月後四日丙辰戴勝降于桑律中姑洗之中聲東方生風風生木其性暄其德敷和其化生榮其政舒啟其令宣發是月也天氣正方地氣定於人氣在脾胃少陰火之位是月也容氣陽明燥金所至為清化為收為露為燥生終為涼為介化為堅化為烟埃為勁切為悽鳴是月也溫涼不時大涼復至火氣遂抑民有氣鬱中滿之疾宜調陽明之容以酸補之以辛瀉之以苦泄之食元穀以全其真避虛邪以安其正凡樂之聲姑洗為宮應鍾為徵蕤賓為商大呂為羽夷則為角夾鍾為閏宮無射為閏徵客氣陽明尚微以抑金使氣適平是月也朔告于廟癸巳享先蠶命太常視五方

齋宮壇壝爲新于寢廟蓋以舍祀寒食停決辟囚前五日起斷獄
遣官朝諸陵清顯出新火賜近臣臨軒策士而官之命學校誥考選
之始是月也弊吐訟無妨田事民授田至秋始賦凡輸河備毋或不
集所屬以沿河卒歲終巡亡數報所隸是月也卒戍于外者頒頒冬
服選夏雜大閱諸軍以肄武事衛尉會軍器增損太府具都城內外
場務歲課來上御史以察案書吏賞罰工之都省州以戶口帳上之
漕司是月也出馬于牧繕馬房治陂隄限發上貢戶部考在京莞庫之
息凡上供物數若畿漕移用官舍僦直諸軍官馬胥吏功過犒錢登
耗皆聞于本曹縣給錄者鹽若老疾貧乏丐乞之給食者盡是月止
行冬令則寒氣時發草木皆肅行夏令則民多疾疫時雨不降行秋
令則天多沉陰淫雨早降於戲若古有訓惟辟奉天俟發政施仁罔
匪時惡治爾有衆祗予猷告